

Abbacher Böllerlied

Text: Franz Heselberger (2010)
Melodie: (Riders in the sky) Stan Jones (1948)

In Abbach gibt's a Böllergrupp'n,
de muaß was b'sonders sei
und Gaudi de de macha,
de griagst fast gratis drei.
Pulver, Korken, Zünder
des dan's in Böller nei
da Franz der gibt's Kommando
"Alle Feuer frei".

**Alle Feuer frei. Alle Feuer frei
und olle Böll'ra san dabei.**

De Schussabfolge wird,
vom Schützenmoaster b'stimmt
und de Loaderei
de geht a ziemli g'schwind
doch manchmal is passiert,
dass de Zeit verpufft
und da Ladestock,
der is dann in da Luft.

**Alle Feuer frei. Alle Feuer frei
und olle Böll'ra san dabei.**

Für die Fehler de du machst,
da muaßt a Geld dann zoin.
Des is net so lustig,
weil's ned olle woin
doch do gibt's koa Ausred ned,
wei fehlerfrei is koana

drum raus mit de Moneten,
do brauchst ned noche woana.

**Alle Feuer frei. Alle Feuer frei
und olle Böll'ra san dabei.**

Und zum Schluss do ko ma sogn,
des is a guade Crew
Böllern des dan's ziemle gern,
hearst s'schiassen scho von fern
des Pulver des muass Kracha,
feierspeim und raucha
bis's letzte Röhr laar is,
derfst ned lange braucha.

**Alle Feuer frei. Alle Feuer frei
und olle Böll'ra san dabei.**

Hod dann olles hieg'haut
und woar's a ziemli guad
spendiern Christine und da Franz,
des guade Böllerbluad
und dann trink ma auf uns,
und an Böllerstand
auf Brauchtum, Kameradschaft
und unser Bayernland.

**Alle Feuer frei. Alle Feuer frei
die Böll'ra die san dabei.**